



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 179. Dissidia Felicem inter & Cardinales suos ob quintum, & decimum denarium.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

bus nec ab illo momento ultra Basileæ Sæcul. XV.
A.C. 1441.
limina salutantibus.

§. CLXXIX.

*Dissidia Felicem inter, & Cardinales
suos ob quintum, & decimum
denarium.*

Testantur Acta Patricii, subortam fuisse Aug. Patric.
hist. Conc.
Basil. &
Flor art. 125
sub finem to.
13. Concil.
controversiam Felicem inter & Car-
dinales suos. Occasionem litis præbe-
bat facultas eidem data, qua ex omnibus
beneficiis per quinquennium quintam, &
ceteris subsequentibus annis decimam
partem percipere posset. Horum fru-
ctuum mediam portionem sibi deberi con-
tendebant Cardinales, Sessionis XXIII.
Decreto, necnon alteri Nicolai IV. Con-
stitutioni suffulti. Ex adverso Felix Car-
dinalium postulata æquitatis legibus ad-
versari dicebat, causatus, se immensum
expensarum onus sustinere coactum fuis-
se, quin tamen vel obulum ex Romanæ
Ecclesiæ redditibus percepisset; addidit,
sibi ex solo Sabaudix Ducatu quintum
obvenisse denarium, cujus tamen par-
tem ipsi Curix Ministri sibi vendicassent,
eam pro sua sustentatione sibi debitam
asserentes. Cum multum temporis ejus-
Hist. Eccles. Tom. XXVII. **T**t modi

Sæcul. XV. modi altercationibus absumeretur, nihil
A.C. 1441. omnino hac super re decisum fuit.

§. CLXXX.

Postulata Felicis ad Synodum.

Sub idem tempus pari quidem pertinacia, feliciori tamen successu dirempta fervebat disceptatio, cum a Basileensibus postularet Felix, ut sibi, quoniam alias ex Pontificatus sui proventibus nil omnino acciperet, ad dignitatis suæ onera sufferenda unam concederent Ecclesiam, monasterium unum, unumque aliud beneficium in Sabaudia Ducatu, nomine Synodi tandiu obtinenda, donec potior rem ex Romanæ Ecclesiæ bonis partem recuperaret. Basileenses circa hoc Felicis postulatum diu deliberabant: ægerrime tamen hunc ei favorem non nisi summis, quos Felix habebat, amicorum precibus devicti, post maximam animorum contentionem concedebant. Præterea statuebant, Felicem reservationibus, ut vocant, in Sessione trigesima prima stabilitis potiri posse: Cum vero frequentes afferrentur querimoniae adversus illos, qui literas Apostolicas expediti solent, quod pro suis laboribus immodicas exigent pecunias, hoc super negotio